



Ilanngussaq

Bilag

*2*

Henrik Fleischer  
Aalisarnermut, Piniarnermut Nunalerinermullu Ataatsimiititaliami siulittaasoq

Att. [Lekn@inatsisartut.gl](mailto:Lekn@inatsisartut.gl)

**Piniarneq pillugu Siunnersuisoqatigiit Inatsisartut Piniarneq pillugu Inatsisissamut allannguutissatut siunnersuummut oqaaseqaatissai pillugit apeqquteqaammut akissuteqaat**

Dato: 03-04-2020  
Sags nr.: 2018 - 13806  
Akt. nr.: 13261963

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

6. marts 2020-mi ullulernerqartukut ataatsimiititaliap 11. november 2019-imi allagaqaatiminut Piniarneq pillugu Siunnersuisoqatigiit inatsisissamut missingersuummut oqaaseqaatai pillugit akineqarmissani kissaatigaa.

Piniarneq pillugu Siunnersuisoqatigiit 12. november 2019 allakkatigut tusarniarneqarput 18. December 2019-imut killilernerqartoq. Akissuteqaatit katillugit marluk tiguneqarput, siulleq TPAK-miit tusarniaanermi siullermi akissuteqarsimangitsoq, aammalu KNAPK-miit tapiissutitut akissuteqartoq, tusarniaanermi siullermi akissuteqaatimi saniatigut. Kommunenit ilaasortaaitat ataatsimiinnermi siullermik tusarniaanermi akissuteqaatiminut innersuussipput.

Piniarneq pillugu Siunnersuisoqatigiit ulluni 20.-21. februar 2020 ataatsimiipput, tassungalu atatillugu oqaaseqaasiortutik, ilanngussaq ilisimatitsissutitut ilanngunneqarpoq.

Ataatsimiinnerminut atatillugu Piniarneq pillugu Siunnersuisoqatigiit siunnersuutimi ilaanut atatillugu angallatit pillugit paasissutissanik kisitsisinik KANUAANA-mut kissaateqarsimavoq. Kisitsisit paasissutissat pillugit Naalakkersuisoqarfimmiit oqartussaasumut pissarsiariniarneqarsimasut tiguneqarput.

Paasissutissat taaneqartut siunnersuutit ilaasa taparserneqarnissaanut imaluunniit taperserunnginneqarnissaanut itinerusumik nalilersuinissamut atorneqarput. Allanguutissatut siunnersuut inunnut angallatilinnut arlalissuarnut pitsaanngitsumik kingunerqarsinnaanera aammalu ikittuaqqanut iluaqutaasinnaanera piniakkanut killilersukkanut qinnuteqarnermi peqataasinnaassagaanni. Paasissutissat pissarsiarineqartut 11. november 2019-imiit allakkap akineqarneranut ilaatippakka, ataatsimiititaliamit siunnersuutit kingunerisinnaasai ilisimaqqullugit. Taamaattumik Piniarneq pillugu Siunnersuisoqatigiit oqaaseqaataata nassiunnissaa utaqqisissimavara oqartussaasumit paasissutissat taaneqartut ilaatinniarlugit.

Ilisimatitsissutigissavara Naalakkersuisoqarfik peqqunikuugakku Piniarneq pillugu Siunnersuisoqatigiit inatsisissamut siunnersuummut oqaaseqaatai siunnersuutaalu aallaavigalugit allannguutissanik siunnersuisoqullugit. Allannguutissatut siunnersuutit suliaralugit naammassineqarniaripata Naalakkersuisunut isummerfigisassanngorlugit saqqummiunneqassapput, kingornalu ataatsimiititaliamut nassiunneqassallutik.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq

Ilanngussat:

1. Piniarneq pillugu Siunnersuisoqatigiit 20.-21. februar 2020 oqaaseqaataata assilinera
2. TPAK-mit KNAPK-millu akissuteqaatit,
3. Angallatit 15 m takissusaa tamakkerlugu aamma 16 m takissusaa tamakkerlugu allattorsimaffik nassuiaallu.



## Naalakkersuisut

aamma

Inatsisartut Aalisarnermut, Piniarnermut Nunalerinermullu Ataatsimiititaliaat

### **Piniarneq aallaaniarnerlu pillugit inatsisissat siunnersuutip allanngortinneqarnissaa pillugu Piniarnermut Siunnersuisoqatigiinnit oqaaseqaat**

21-02-2020  
Suliap normua 2018 -  
13806  
All. nr. 13097830

Aalisarnermut, Piniarnermut Nunalerinermullu Ataatsimiititaliap allakkatigut 11. november 2019-imeersukkut Piniarnermut Siunnersuisoqatigiit Naalakkersuisunit tusarniaaffigineqarnissaat kissaatigisimavaa.

Postboks 269  
3900 Nuuk  
Oqarasuaat (+299) 34 50  
00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Piniarnermut Siunnersuisoqatigiit ulluni 20.-21. februar 2020 ataatsimiinnermi piniarneq aallaaniarnerlu pillugit inatsisissat siunnersuut UKA 2019/23 Inatsisartunit oqallisigineqartoq oqallisigaat.

Apeqqutit assigiinngitsut pillugit Piniarnermut Siunnersuisoqatigiinnit oqaaseqaat ilanngullugu nassiunneqartoq allannguutissat piffissaq 12. november 2019-imit 18. december 2019 tungaanut tusarniutigineqarsimasunut oqallisigineqarnerinit aallaaveqarput.

Naalakkersuisoqarfik tusarniaanernit akissutitik marlunnik tigusaqarsimavoq taakkulu ilisimatitsissutitut ilanngullugit nassiunneqarput. Tusarniaanernit akissutit makkunaneersuupput: TPAK aamma KNAPK. Qeqqata Kommuniata Avannaata Kommuniatalu tusarniaanernut siusinnerusukkut akissutigisimasatik innersuussutigaa.

Piniarnermut Siunnersuisoqatigiit inatsit 1999-imeersoq allannguutissallu pingasut massakut ataatsimoortinneqarlutillu nalilersoqqinneqarsimasut tamakkiisumik naammagisimaarpaat.

Tusarniaanernit akissutinit ataatsimiinnerullu nalaanni oqaatigineqartut makkuusut oqaaseqarfigineqarnissaat pisariaqarpoq:

#### **§ 2: Piniarnermik aallaaniarnermillu aqutsinermi piniartut atuisullu ilisimasaasa akuutinneqartarnissaat:**

Piniarnermut aallaaniarnermullu tunngatillugu piniartut atuisullu ilisimasaannik katersinissaq pillugu nalunaarummik Naalakkersuisut suliaqarniarnerat Piniarnermut Siunnersuisoqatigiit taparserpaat. Taamaasiornikkut uppernarsaatissanik aaqqissugaanerusumik pissarsisoqartalissaaq aalajangigassanullu tunngatillugu piniartut uumassusilerituullu ilisimasaat assigiimmik atorneqartalerlutik.

Piniarnermut Siunnersuisoqatigiinnit piumasarineqarpoq Naalakkersuisut pisassiissutissanik agguuassussanngortillugit piniartut atuisullu ilisimasaasa uumassusilerituut ilisimasaasa atorneqartarneri assigalugit oqimaaqatigalugillu atorneqartalernissaat.

Tamatuma kingunerisaanik suliassamut tassunga aningaasat sulisullu pisariaqartinneqartut qulakkeerneqarnissaat Piniarnermut Siunnersuisoqatigiinnit

piumasarineqarpoq. Uumassusilerituut siunnersuisarnerinut aningaasanik  
illikartitsisoqartarpoq, taamaattumillu piniartut atuisullu ilisimasaasa  
katersorneqartarnissaanut aningasanik sulisussanillu pisariaqartinneqartunik  
illikartitsisoqartarnissaa pissusissamisuusaaq.

Tamatuma saniatigut Piniarnermut Siunnersuisoqatigiit piumasaraat piniartut atuisullu  
ilisimasaasa uumassusilerituut ilisimasaattut siunnersuisarnerisuullu  
naleqartinneqalernissaat tassungalu tunngasut inatsisissatut siunnersuummi  
erseqqissaatigineqarsinnaasut.

**§ 3: Piniarnermut Siunnersuisoqatigiit isumaqarput nassuiaatit ilaat inatsisissatut  
siunnersuummi aalajangersakkat eqqarsaatigalugit killiliisimasut tassungalu  
tunngatillugu inatsisissatut siunnersuummi taasumalu nassuiaatitaani pineqartut  
erseqqissaatigineqarnissaat kissaatigalugu.**

**§ 3, imm. 1, 7-imut)** "Kalaallit Nunaanni inuiaqatigiinnut aalajangersimasumik  
attuumassutilik" oqaaseqatigiinnut atuutereersunut attuumassuteqartoq: "Kalaallit  
Nunaanni inuit nalunaarsorsimaffiannut nalunaarsimasut". Oqaaseqatigiit kingullit  
inatsisissatut siunnersuummit peerneqarsimapput – taakkulu inatsisissatut  
siunnersuummi nassuiaatitaanilu ikkuteqqinneqarnissaat Piniarnermut  
Siunnersuisoqatigiit kissaatigaat.

§ 7, imm. 1, 2) kiisalu § 3, imm. 1, nr. 7-imut nassuiaatit), tassani inatsimmi atuuttumi § 4,  
imm. 2, nr. 2) allassimavoq "Kalaallit Nunaanni inuit nalunaarsuiffiannut nalunaarsimasut."  
taakkulu inatsisissatut siunnersuutip nassuiaatitaani kisimi taaneqarsimallutik.

Nassuiaat: Inatsisissatut siunnersuummi § 12, imm. 2-mi inuit nalunaarsuiffiannut  
nalunaarsimanissaq piumasarineqarpoq. Taamaattumik Piniarnermut  
Siunnersuisoqatigiinnit oqaaseqatigiit uku "Kalaallit Nunaanni inuit  
nalunaarsorsimaffiannut nalunaarsimasut" inatsisissatut siunnersuummi  
nassuiaatitaanilu ikkuteqqinneqarnissaat kissaatigineqarpoq.

**§ 3, imm. 1, 9-mut)** "Sunngiffimmi piniarneq aallaaniarnerlu"; oqaaseqatigiit  
killiliisussaajunnaarlugit erseqqissartariaqarput, kommunimmi ilaat sunngiffimmi  
piniartartut pisaminnik killilersugaanngitsunik kalaalimineerniarfinni  
tuniniaasarsinnaanissaat periarfissiissutigisarmassuk. Nassuiaanermi allassimavoq  
"Piniarneq aallaaniarnerlu **pisap nammineq atorineqarnissaa**" siunertaralugu  
ingerlanneqartartoq (Piniarneq pillugu Siunnersuisoqatigiit erseqqissaanera).

Nassuiaat: Piniarnermut Siunnersuisoqatigiit kissaatigaat aalajangersagaq killiliinermik  
kinguneqartinneqassanngitsaq, sunngiffimmi piniartarnermi aallaaniartarnernilu  
pisarineqartut pissutsit ilaanni nammineq kisimi atugassatut pisarineqarneq ajormata.

**§ 7: Inuit inuussutissarsiutigalugu piniarnissamut akuersissutillit piniakkanik  
killilersukkanik akuersissummik qinnuteqartut angallateqarnissaanik  
piniuteqarnissaanillu piumasaqaatit.**

Piniarnermut Siunnersuisoqatigiit kissaatigaat inuit inuussutissarsiutigalugu  
piniarnissamut akuersissutillit piniakkanik killilersukkanik akuersissummik qinnuteqartut  
angallateqarnissaanik piniuteqarnissaanillu piumasaqaatit inatsimmi  
tunngavissinneqassasut.

Inatsisissatut siunnersuutip nassuiaatitaani allassimavoq "ingerlatsiveqarfimmi pineqartup inuussutissarsiutigalugu piniarnermut allagartamik qinnuteqarfigisaani, piniarnermut aallaaniarnermullu atortunik pisariaqartunik inuk peqassaaq. Tamanna ima oqaatigineqarsinnaavoq, nunap ilaa pineqartup piniarnikkut aallaaniarnikkullu inuuniuteqarfissaa. Qinnuteqartup piniutinik pissarsisinnaanera matumani naammappoq. Pineqartup piniutinik nammineerluni peqarnissaa matumani pisariaqangilaq. § 3, nr. 5 naapertorlugu pineqartut tassaapput, piniutit atortullu pisariaqartut akuerisaasullu, uumasunik aalajangersimasunik pisaqarniarneq toqutsiniarnerlu siunertaralugit piniarnermut aallaaniarnermullu atorpeqartussat."

Piniarnermut Siunnersuisoqatigiit kissaatigaat inuit inuussutissarsiutigalugu piniarnissamat akuersissutillit piniakkanik killilersukkanik akuersissummik qinnuteqartut inuussutissarsiummik ingerlatsisinnaajumallutik angallateqarnissaanik piniuteqarnissaanillu piumasaaqateqartoqassasoq. Taamaattorli Piniarnermut Siunnersuisoqatigiit kissaatigaat piniartut inuusuttut ataatami qanigisaminnilluunniit taakku angallataannik suli piniateqartartut taamaasillutillu piniutaannik atuisartut immikkut isiginiarneqarnissaat, inuusuttummi suli angallateqaleratillu nammineq piniuteqalersimangitsut aalajangersakkakkut sakkortunermik eqqorneqaqqunagit.

**§ 12: Inunnut najukkaminnit nuukkallarsimasunut akuersissuteqartarneq. Inuit ilaasa inuttut nalunaarsuiffigisaminnit nuukkallartarnerisa ineriartornera Piniarnermut Siunnersuisoqatigiinnit isumakulunnartoqartinneqarpoq.**

Innuttaasut ilaasa killilersukkanik piniarfiusartunut soorlu qilalukkat, aarrit nannullu piniarfiunerisa nalaanni inuttut nalunaarsorsimaffigisaminnit nuukkallartarneri qilalukkalu piniagaajunnaaraangata piniakkalluunniit killilersukkat piniqqusaajunnaaraangata najukkaminnut utertarneri pillugit ajornartorsiutip annertusiartornera Piniarnermut Siunnersuisoqatigiit annertuumik eqqumaffigaat. Nuttartut nammineq kommunerisamini kommunilluunniit marluk akornanni nuttarsinnaasarput.

Pissutsit taamaannerat najukkani aalajangersimasuni najugalinnut kipiluttunartorujussuuvoq, taakkumi piniarnissaminnut periarfissaat nuukkallartunit akornusersorneqarlutillu killilerneqartarmata.

Taamaattumik Piniarnermut Siunnersuisoqatigiit kissaatigaat paragraffini pineqartuni erseqqissumik piginnaatitsisoqassasoq, taamassiornikkut kommunit ataasiakkaat pissutsinik taamaattunik killiliisinnaangorlugit soorlu kommunit peqqussutaat aqutugalugit.

**§ 21: Pisanik killilersukkanik pingaartumik qilalukkat qaqortat qernertallu mattaanik facebook aqutugalugu nakkutigineqangitsumik tuniniaasarnerup Naalackersuisunit iliuseqarfiginissaat Piniarnermut Siunnersuisoqatigiinnit kissaatigineqarpoq:**

Kommunip imaluunniit nunaqarfiup allaffiani akuersissummut pisarisat naqissuserlugit nalunaarsorneqareersimatinnagit, najukkami kalaalimeerniarfimmi tuniniaaffinniluunniit allani uumasunik pisassiiffiusartuniit pisat tuniniaqqusaanngillat. Tuniniaaqqittartut pisap oqartussanit nalunaarsorneqareersimaneramik uppersaatinik takutitsisoqartariaqarpoq.

Piniarnermut Siunnersuisoqatigiit isumaqarput inuit oqallittarfii soorlu facebook aqutugalugit tuniniaasarnerit piumasaaqatigineqartunik uppersaateqarani

ingerlanneqartartillugit aalajangersagaq pineqartoq "kusassaataannartut" atorneqalissasoq.

Pisanik killilersukkanik inuit oqallittarfii soorlu facebook aqputigalugu tuniniaasarnerup annertusiartuinnarnera Piniarnermut Siunnersuisoqatigiinnit isumakulunnartinneqarpoq. Piniakkanik killilersukkanik nalunaarsorneqarsimagatillu nalunaarutigineqarsimanngitsunik unioqqutitsilluni tuniniaasoqartarunarpoq. Inuit oqallittarfii aqputigalugit tuniniaasarnerit pissutigalugit mattaat akii qaffakkiartornerannik kinguneqarsimavortaaq, taamaasillunilu utoqqalinersiallit inuillu allat annikitsumik isertitalit qilalukkat qaqqortat qernertallu mattaanik pisinissaminnut akissaarullutik.

Taamaattumik inatsisissatut siunnersuummi inuit oqallittarfii aqputigalugit piniakkanik killilersukkanik tuniniaasinnaanermut inerteqquteqalersinnaaneq/killiliisinnaaneq eqqarsaatigalugit aalajangersakkanik suliaqarsinnaanissamut Naalakkersuisut piginnaatinneqartariaqarput, tassungalu ilanngullugu kommunit peqqussutaat aqputigalugit taamatut ilusilersuisinnaanissamut piginnaatitsillutik.

**§ 24: Piniakkanut killilersukkanut tunngatillugu angallatit atorneqarsinnaasut angissusaasa 15 meter l.o.a.-mit 16 m. l.o.a.-mut allanngortinnera:**

Piniakkanut killilersukkanut tunngatillugu angallatit atorneqarsinnaasut angissusaasa 15 meter takissuseq tamakkerlugu (l.o.a.)-mit 16 m. Takissuseq tamakkerlugu (l.o.a.)-mut allanngortinneqarnissaa Piniarnermut Siunnersuisoqatigiit kissaatigaat. Tunngavilersuutigineqartoq tassaavoq kommunit ilaanni angallatit ataasiakkaat 15 meterinik anginerulaarsinnaasarmata taamaasillutillu qilalukkanik qaqqortanik qernertanillu pisassinneqarsinnaasaratik. Angallatit angissusaasa allanngortinneratiguttaaq ilaatigut qilalukkanut qaqqortanut pisassiissutaasartut tamakkerlugit pisarisalersinnaanissaat periarfissaqarnerulissaaq.

Angallatit atorneqarsinnaasut 16 m. Takissuseq tamakkerlugu(l.o.a.)-mut anginerulernissaannut ammaassineq piniagassanut killilersukkanut soorlu avannaani akuersissutinik tunineqarsinnaasut amerlisinnaanerini kinguneqarsinnaanera Piniarnermut Siunnersuisoqatigiinnit arajutsisimaneqanngilaq. Taamaasilluni qilalugartassiissutit inunnut amerlanerusunut agguarneqartalissapput, taamaasillunilu piniakkat killeqaqisut sukkannerusumik pisarineqartalerlutik piasseeqqinnissamik qinnuteqarnerusalernermik kinguneqartumik.

**§ 30: Piniagassat neqissaqarniarnermut iluaqutaasut illersorneqarnissaat uummasut kiisortut "nunatsinniikkallartartut" kinguaassiulersartullu illersorneqarnissaannit Piniarnermut Siunnersuisoqatigiinnit orniginartinneqarneruvoq.**

Uumasut ajornartorsiutaasartut tassunga ilanngullugit "tikeraartartut" soorlu amaqput qappiillu (kukiffaajoq) pingaartumik avannaani amerliartorneri pillugit ajornartorsiut Piniarnermut Siunnersuisoqatigiinnit eqqartorneqarpoq. Uumasut avataaniit Nunatsinnut annguttalersut ilaat isigineqarput inuussutissarsiutigalugulu piniartunut unammillertutut isigineqarlutik.

Pinngortitami uumassusillit assigiinngitsut amerlalluinnartuunissaanik periuseq Piniarnermut Siunnersuisoqatigiinnit tapersorsorneqarpoq. Taamaakkaluartoq uumasut kiisortut soorlu tuttunik, umimmannik uummasunillu allanik pisaqartartut immikkut akuersissuteqarnikkut toqunneqartarnissaanut inatsisitigut periarfissiisoqarnissaa

Piniarnermut Siunnersuisoqatigiinnit piumasarineqarpoq. Taamaasilluni isorliunerusuni killilimmik tuttoqarlunilu umimmaqarfiusuni neqissaqarniarneq aarlerinartorsiortinneqassanngilaq. Taamaattumik uummasut kiisortut uumasunik najukkani uumasunik nungusaasartunik toqutsisinnaanissaq immikkut akuersissuteqarnikkut periarfissinneqartariaqarpoq. Tamanna amaqqut Kalaallit Nunaanni eqqissisimatinneqarnissaat pillugu Namminersornerullutik Oqartussat nalunaarutaat nr. 9, 5. maj 1988-imeersoq naapertorlugu amaqqunut tunngatillugu Tunumi periarfissaareerpoq, taannami naapertorlugu piffinni umimmaqarfiusuni aalajangersimasuni amaqqut eqqissisimatitaanngillat.

Piniarnermut Siunnersuisoqatigiit qilalukkat ataasiakkaat qaleraleqarfinniittut toqunneqartalernissaasa periarfissinneqarnissaa kissaatigaat taakkumi takkukkaangata qalerallit pineqartunit tammakartarmata (perlaasarmata).

Qangaanerusoq kissaviarsuit appaliarsoqarfinniittut piniartunit toqunneqarsinnaasarsimapput, tamakkumi appaliarsuit piaraanik ersiortitsillutillu pisaqartarmata piniartut ileqqutoqqat malillugit appaliarsunniarsinnaaneritut akornutaasumik. Taamatuttaaq qappiit amaqqullu tamaaniittarneri akueriuminaatsinneqarpoq najukkami tuttunik umimmannillu annertuumik ilanngartuisarmata.

Inussiarnersumik inuulluaqqusillunga

Jens Danielsen  
Piniarnermut Siunnersuisoqatigiinni siulittaasoq

T.P.A.K.  
Postboks 56 Fax 86 49 45  
3911 Sisimiut  
E-mail. [sps@sps-sisimiut.gl](mailto:sps@sps-sisimiut.gl)

Sisimiut ulloq. 14-11-2019

Aalisarnermut Piniarnermullu Nunalerinermullu Naalakkersuisoqarfik  
Postboks 269  
3900 Nuuk  
E-mail. [mdpe@nanog.gl](mailto:mdpe@nanog.gl)

**Pineqartoq.: ulloq 26-09-2019, UKA 2019/23 tusarniut pillugu.**

Kapitali 1-mi § 2, imm. 3-mut taarsiullugu Imm. 2-mi 3-milu sooq ilaanngillat?  
§ 2-mi imm. 3-p oqaasertaliussat ersernerluttutut isigaagut, ersarinnerusumik  
Oqaasertaqarnissaa piumasaraarput.  
Siunnersuutigaarput § 2, imm. 3-mi imatut oqaasertalerneqassasoq piniarnermik  
Inuussutissarsiuteqartut ilisimasaat siunnersuutaasalu tusarniarneqartar-  
nissaat pingaartillugit pisassanik aaliangersaarnermi ilanngunneqartassapput.

Inussiarnersumik inuulluaqqusilluta  
TPAK. Sinnerlugu.

Jens Johansen



Aalisarnermut, Piniarnermut Nunalerinermullu Naalakkersuisoqarfik  
Imaneq 1A 7. Sal  
P.O. Box 269  
3900 Nuuk

Att:

Mailadr.: [apnn@nanaq.gl](mailto:apnn@nanaq.gl) [mdpe@nanaq.gl](mailto:mdpe@nanaq.gl)

**Una pilli: Piniarneq aallaaniarnerlu pillugit inatsisissatut siunnersuummut tusarniaaneq**

Piniarneq pillugu Siunnersuisooqatigiinnut tusarniut KNAPK-mi Piniarneq pillugu Siunnersuisooqatigiinni sammineqarpoq, sammineqarneralu aallaavigalugit oqaaseqaat manna suliarineqarpoq.

Maluginiarneqarpoq inatsisissap siullermik tusarniutigineqarnerani akissutit oqaaseqarfigineqartut, uanilu immikkut KNAPK-miit akissutaasimasunut tunngasut paragraffikkaarlugit sammivagut.

Ataatsimut isigalugu inatsimmi toqqammavigineqartunut ilaasariaqarpoq Naalagaaffiit Peqatigiit Nunap Inoqqaavisa Pisinnaatitaaffii pillugit Nalunaarutaat, tassani immikkut taaneqarsinnaallutik immikkoortut 26, 29, 31 aamma 32, nunap immallu pisuussutaannik aqutsisinnaanermut, kulturimullu tunngasut.

**§2**

Erseqqissisariaqarpoq atuisut ilisimasaat qanoq aqutsinermi ilaatinneqassanersut, inatsimmi taaneqarput tusarniaanerit piniarnerlu pillugu siunnersuisooqatigiit, maanngaanniilli oqaatigisariqarparput taakkunatigut apuunneqartartut kinguneqarnek ajungajapput, tassunga ilaatigut pissutaalluni atuisut ilisimasaannik aaqquissuineq suliaqarnerlu aningaasanut inatsimmi ilaatinneqanngimmat.

KNAPK-miit innersuussutigaarput suliniutit PISUNA-tut ittut aningaasanut inatsimmut ilaatinneqalernissaat taakkunanilu paasissutissat piniakkanik aqutsinermut ilaatinneqalernissaat.

**§ 7**

15-ileereersimanissamut piumasaqaat allatullu piumasaqaatit atuutilissappata taava atortunik soorlu sillimaniarnermut atortunik pigisaqarnermut atsiornikkut uppernarsaasinnaanissaq minnerpaamik piumasaqaataasariaqarput.

**§12**

Sumiiffimmiit sumiiffimmut periutsit assigiinnginnamik, piniaqatigiinni kikkut piniakkamiik sunik pissarsissanersut qanoq aaliangerneqartarneri assigiinngillat. Aaliangiisussavilli tassaasariqarpoq akuersissummik piginnittoq. Kommunit ileqqoreqqusaqarnissaannit kaammattortariaqarput.

**§15**

Maluginiarparput paatsoornikkut KNAPK upernaq oqaaseqaataa imatut paasineqarsimasoq kommunit allaffisa ammasarnissaat allanngortinniarneqartut, atuarluaraannili paasinarsissaq



pineqartoq tassaasoq kommunit allaffii matoqqanerini pisariaqanngitsumik utaqqinnginnissaq pillugu akuersissutinik ataasiinnaanngitsumik pisinnaanissaq periarfissaasariqarmat.

Tamanna ilaatigut atuuppoq piniartoq piniacatigiinnermilu peqataasoq allaffiup ammarnissaa utaqqinngikkaluarlugu tuniniaasinnaanissaat periarfissaasariaqarmat, taamaalilluni asiusoornissaq pinaveersaassallugu.

## §22 imm 2

Piniakkanik killilersukkanik pisanik tuniniaasinnaasut tassaapput inuutissarsiutigalugu piniartutut allagartallit, taanna erseqqissumik allassimasariaqarpoq.

## §24

Toqutsigasuarnissaq pillugu timmiarsiutit amerlasuui aqerlut atorsinnaaleqqittariaqarput soorlu Norgemi taamaattoqartoq.

Inussiarnersumik inuulluaqqusillunga  
Kalaallit Nunaanni Aalisartut Piniartullu Kattuffiat  
*sinnerlugu*

Bjarne Lyberth  
Uumassusilerisoq  
Avatangiisinut Siunnersortaaneq

Assilifnera kopier til: KNAPK-mi Siulersuisuunerit

## **KNAPK Udtalelse vedr. Høring om forslag til Inatsiartutlov om fangst og jagt**

Høringen af Fangstrådet blev behandlet hos KNAPK's fangstråd, denne udtalelse er udarbejdet ud fra dennes behandling af høringen.

Det noteres at der er bemærkninger til høringssvarene fra den første høring, her behandles specifikt de bemærkninger der vedrører de paragraffer der vedrører KNAPK's udtalelser.

Lovudkastet bør generelt set tage De Forenede Nationers deklARATION om oprindelige folks rettigheder i betragtning, her bør særligt nævnes artiklerne 26,29,31 og 32 der vedrører retten til forvaltning af land og havressourcer samt kulturelle traditioner.

## §2

Det bør klart fremgå hvorledes brugerviden inddrages i forvaltningen, i loven nævnes høringer samt fangstrådet, herfra må vi dog sige at der er langt mellem det der fremkommer gennem de fora og hvad der besluttes i forvaltningen, det mener vi til dels skyldes at indsamling og systematisering af brugerviden ikke er med i finansloven.

Fra KNAPK anbefaler vi at initiativer som PISUNA tages med i finansloven og de informationer der kommer derfra tages med i forvaltningen af fangst dyr.

## § 7

Hvis alderskravet på 15 år og andre krav skal gennemføres så bør krav om ejerskab af redskaber og sikkerhedsudstyr som minimum ved underskrivelse af en erklæring være et krav.

## §12

Da traditioner er forskellige fra område til område, er det forskelligt hvorledes dele af fangst dyr fordeles blandt deltagere i fællesjagt. Men den endelige rettighedshaver bør være licenshaveren. Kommuner bør opfordres til at udarbejde vedtægter.

### **§15**

Vi bemærker at vore udtalelse i foråret er misforstået, således at vi skulle kræve ændrede åbningstider for kommunekontorerne, men hvis man læser udtalelsen vil man forstå at det der menes er at for at undgå unødvendig ventetid udenfor åbningstiderne bør man kunne få udleveret mere end en licens til visse fangst dyr.

Det gælder for eksempel hvis fangeren og deltagere i fællesfangst skal sælge kød fra fangst dyr bør de ikke skulle vente på kontoret åbner og risikere at kød går til spilde.

### **§22 imm 2**

Det bør klart fremgå at den der kan sælge dele af kvoterede dyr er indehaver af et erhvervsjagtbevis.

### **§24**

Af hensyn til hurtig aflivning bør blyhagl igen være tilladt således som det er sket i Norge.



## Notat Allakkiaq

Til Suliamut  
Uunga

01-04-2020  
Suliap normua.: 2018 - 13806  
All. nr. 13457810

### Ulluni 20. - 21. februar 2020-mi Piniarnermut Siunnersuisoqatigiinnit siunnersuutigineqartut angallatit 15 m loa-miit 16 m loa-mut killeqartinnerisa allangortinnissaanut sunniutaasussat pillugit nassuiaaneq

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Piniarnermut Siunnersuisoqatigiit ulluni 20. - 21. februar 2020-mi ataatsimiinnerminni piniarnermut aallaaniarnermullu inatsimmi § 24-mut allanguutissatut missingiummi siunnersuutigisimavaat angallatit angissusissaannut killigitinneqartoq meterit 15-iniit (takissuseq tamakkerlugu (t.t) /loa) meterinut 16-inut allangortinneqassasoq.

Allanguisoqarneratigut angallatit amerlanerusut uumasut pisassiiffineqartut, soorlu qilalukkat qaqortat qernertallu, agguanneranni isiginiarneqarnissaat Piniarnermut Siunnersuisoqatigiinnit tunngavilersuutaavoq.

15 m t.t.-miit 16 m t.t.-mut allangortitsisoqarneratigut angallatit amerleriarnissaannut paasissutissanik APNN KANUAANA-mut piniarsimavoq. Takussutissat KANUAANA-meersut:

Umiarsualivik aalajangersimasoq	Umiarsualiviup ilisarnaataa	Angallat tamakkerlugu takissuseq imaluunniit arlaannut naapertuunneq (ækvivalent)*		
		10-miit 14- imut **	14-imiit 15- imut ***	15-imiit 16- imut ****
Nanortalik	GR-01	0	0	0
Qaqortoq	GR-02	7	1	4
Narsaq	GR-03	1	1	0
Paamiut	GR-05	7	4	4
Nuuk	GR-06	20	10	10
Maniitsoq	GR-07	15	3	4
Sisimiut	GR-08	19	4	1
Kangaatsiaq	GR-09	4	3	2
Aasiaat	GR-10	4	1	2
Qasigiannuit	GR-11	5	1	1
Ilulissat	GR-12	19	13	8
Qeqertarsuaq	GR-14	2	4	3
Uummannaq	GR-15	10	4	4
Upernavik	GR-16	10	4	0
Qaanaaq	GR-17	0	0	0
Ammassalik	GR-18	1	0	0
		<b>124</b>	<b>53</b>	<b>43</b>

\* Kalaallit aalisariutaat amerlanerit LOA-mik nalunaarsorsimangillat. Taamaalilluni angallatit pingaarnertut takissusaa imaluunniit ilisarnaatitut takissusaa tunngavigalugit takissusaa naliliiffineqassapput.

Takissutsit pingasuusut akornanni aalajangersimasumik naatsorsueriaatsimik soqanngilaq.

\*\* t.t.  $\geq 10$  iml. Takissusaa pingaarneq (tp)  $\geq 9.75$  iml. Ilisarnaatitut takissusaa (it)  $\geq 9.70$  & t.t.  $\leq 14$  iml. tp  $\leq 12.5$  iml. It  $< 12.70$

\*\*\* t.t.  $> 14$  iml. tp  $> 12.5$  iml. it  $> 12.70$  & t.t.  $\leq 15$  iml. tp  $\leq 14$  iml. it  $< 14$

\*\*\*\* (t.t.  $> 15$  iml. tp  $> 14$  iml. it  $> 14$ ) & t.t.  $\leq 16$  iml. tp  $\leq 16$  iml. it  $< 16$ .

Takissutsit 15-imiit 16 t.t.-mut takinerulernerisigut angallatit ataatsimut 43-nik amerleriassapput.

Kommune	Angallatit amerlassusii Amerleriarnert:
Kommune Kujalleq:	4
Kommuneqarfik Sermersooq, Tasiilaq ilanngullugu	14
Qeqqata Kommunea	5
Kommune Qeqertalik	8
Avannaata Kommunea	12
<b>Katillugit:</b>	<b>43</b>

**Paasissutissat tunniunneqartut nalorninartoqarsinnaaneri:**

Paasissutissani massakut pigineqartuni nalorninartoqarsinnaammat KANUAANA-mit paasissutissiisutigineqarpoq, tassami t.t.-p angallatinit tamanit ilisimaneqannginnera pissutaalluni kisitsisit tamakku immikkut nalorninartoqarsinnaammata. Tamatuma saniatigut ilimanarpoq paasissutissat qarasaasiaqarfimmiittut LULI-miittut eqqortussaasut. Taamaattoq paasissutissat Umiarsuarnut Nalunaarsuiffimmi paasissutissanut sanilliullugit eqqortuupput.

Angerlarsimaffittut umiarsualivik nalunaarsorneqartoq, GR-normup angerlarsimaffittut angerlarsimaffigisaa aamma angallatit najugaqarfiat imminnut naapertuuppiarneq ajorput, tamatumunngalu nalunaarsuinerit kommuninit nutarteriffigineqartarsimannginnerat pissutaasinnaavoq. Tamatuma aamma allaasinnaanera eqqarsaatigineqassaaq.

**Nakkutiginninnissamut tunngasortaa:**

Angallatit anginerusut umiatsiaaqqanut sukkasuulianut Avannaani angalasunut malinnaasinnaanngillat. Matumani ukiaanerani/ukiuunerani ullup qaamanga nalunaaquttap akunnerini 2,5 - 4-ni atuuttarnera qilalukkallu qaqortat qernertallu Avannaani novembarip naalerneraniit januaarip qiteqqunneranut nalliuttarnerat eqqarsaatigissagaanni. Avannaani angallatit meterinik 16-inik anginerusut amerlanngillat. Pingaarnermik angallatit anginerit Nunatta kujataaniittut takissutsip killigitinneqartup allineranik iluaquserneqartussaapput. Angallatit anginerusut 43-nik ilaneqarnerisigut imartat avannaaniittut kujataaniittullu akornanni angallattoqarnerulernissaa ilimagineqarpoq, tamannalu nakkutilliinerunermik misissuinerunermillu pisariaqartitsissaaq.

Inuussutissarsiutigalugu piniartut angallatinik piginnittutut kisimiikkunnaarsimapput. Ingerlatseqatigiiffiit aningaasaateqarluartut angallatit ilaannik piginnittuusut angallammi aquttuusumut uumasunut pisassiissutaasunut akuersissummik tunineqassanersut suliamiit suliamut nalliiiffigisassaassaaq.

**Aqutsinerup allaffissornerullu tungaatigut:**

Uumasunut pisassiisutit unaminartitareeqisut innersuussutigalugit, pingaartumik qilalukkanut qaqortanut qernertanullu tunngatillugu, angallatit takissusiisa 15 m t.t.-miit 16 m t.t.-mut allanngortinnissaat tulluartsuussanngitsoq APNN-imit nalilerneqarpoq. Angallatit pisuussutinut unaminartoqareersunut 43-nik ilaneqarnerat

ernumanartoqarpoq. Angallatit anginerusut usertoqqunerupput, qilalukkallu qernertat qaqortalluunniit uumasullu allat pisassiiffigineqartut Kalaallit Nunaata kitaanut pigaangata pisassiissutigineqartunik sukkanerusumik piniarsinnaallutik. Taamatut pisoqarnera pisassiissutinik atui-pallannermik, taamaalillunilu pisassiissutit ilaneqarnissaat pillugit amerlanernik qinnuteqartoqarneranik kinguneqarsinnaavoq. Naggataatigullu pisassiissutigineqartut sipporneqalissapput, uumasunullu pisassiissuteqarfiusunut pinnanniunneq sulii annertunerulissalluni, tamannalu ajoraluartumik ukiuni kingulliunerusuni arlalinni takussaasarpoq.

Ataatsimut isigalugu APNN-imit nalilerneqarpoq nakkutilliinerit alapernaarsuisarnerillu annertunerusut pisariaqartinneqalissasut kiisalu angallatit takissusiisa allanngortinnerisigut uumasut pisassiiffigineqartut allaffissornikkut sulinerup aqutsinerullu annerusumik oqimaannerulemmissaannik kinguneqassalluni.

Amalie A. Jessen